

Հավելված
Հաստատված է Հայաստանի Հանրապետության
բնական մենաշնորհների կարգավորման հանձնաժողովի
2003թվականի սեպտեմբերի 1-ի N50Ա որոշմամբ

**«Միջազգային էներգետիկ կորպորացիա» փակ
բաժնետիրական ընկերության կողմից էլեկտրական
էներգիայի (հզորության) արտադրության
լիցենզավորված գործունեություն իրականացնելու**

Պայմանները

**(Լիցենզիա № 0108, տրված Հայաստանի
Հանրապետության բնական մենաշնորհների կարգավորման
հանձնաժողովի 2003թ. սեպտեմբերի 1-ի № 50 Ա որոշմամբ)**

1. Լիցենզիայում օգտագործված հիմնական հասկացությունները

Սույն լիցենզիայում օգտագործված հիմնական հասկացություններն են՝

Լիցենզիա՝ Հանձնաժողովի կողմից «Միջազգային էներգետիկ կորպորացիա» փակ
բաժնետիրական ընկերությանը տրված սույն փաստաթուղթը, որը հավաստում է
վերջինիս իրավունքը և պարտականությունը սույն լիցենզիայով սահմանված
պայմաններով իրականացնելու էլեկտրական էներգիայի (հզորության) արտադրության
գործունեություն.

Լիցենզավորված անձ՝ «Միջազգային էներգետիկ կորպորացիա» փակ
բաժնետիրական ընկերություն.

Համակարգի օպերատոր՝ էլեկտրաէներգետիկական համակարգի օպերատորի
գործունեության լիցենզիա ունեցող իրավաբանական անձ.

Հանձնաժողով՝ Հայաստանի Հանրապետության բնական մենաշնորհների
կարգավորման հանձնաժողով.

Ներդրումներ՝ Հանձնաժողովի հետ համաձայնեցված ներդրումներ, որոնք ուղղված են լիցենզավորված գործունեության համար օգտակար և օգտագործվող ակտիվների ավելացմանը.

Շուկայի կանոններ՝ այնպես, ինչպես ձևակերպված է «Էներգետիկայի մասին» Հայաստանի Հանրապետության օրենքում.

Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Լիցենզավորված անձի կամ քից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Լիցենզավորված անձի գործունեությանը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Լիցենզիայի գործողության ժամկետը

- 2.1 Լիցենզիան ուժի մեջ է մտնում Հանձնաժողովի 2003թվականի սեպտեմբերի 1-ի N50Ա որոշումն ուժի մեջ մտնելու պահից:
- 2.2 Լիցենզիան տրվում է 15 տարի ժամկետով:

3. Լիցենզավորված գործունեություն իրականացնելու տարածքը

- 3.1 Լիցենզավորված անձը էլեկտրական էներգիայի (իզոթրոյան) արտադրության գործունեությունն իրականացնում է «Սևան ՀԷԿ»-ում (ք. Սևան), «Հրազդան ՀԷԿ»-ում (ք. Հրազդան), «Արգել ՀԷԿ»-ում (Կոտայքի մարզ, գ. Քարենիս), «Արզնի ՀԷԿ»-ում (Կոտայքի մարզ, ք. Նոր-Հաճն), «Քանաքեռ ՀԷԿ»-ում (ք. Երևան, Ադոնցի փ. 10բ) «Երևանի ՀԷԿ-1»-ում (ք. Երևան, Հրազդան գետի կիրճ),

«Երևանի ՀԷԿ-3»-ում (ք. Երևան, Հրազդան գետի կիրճ) սեփականության կամ օգտագործման իրավունքով կամ իր տնօրինության տակ գտնվող տարածքներում:

4. Լիցենզավորված գործունեություն իրականացնելու

Էներգակայանքներ

- 4.1 Լիցենզավորված անձն էլեկտրական էներգիայի (հզորության) արտադրության գործունեությունն իրականացնում է N1 հավելվածում նշված էներգակայանքներով:

5. Լիցենզավորված գործունեության էությունը կազմող գործառույթները

- 5.1 Լիցենզիան ուժի մեջ մտնելու պահից Լիցենզավորված անձին իրավունք է տրվում և պարտավորեցվում է արտադրելու էլեկտրական էներգիա (հզորություն) և այն վաճառելու Շուկայի կանոններով:

6. Լիցենզավորված գործունեության պայմանները

- 6.1 Լիցենզավորված անձի գործունեությունը պետք է համապատասխանի «Էներգետիկայի մասին» Հայաստանի Հանրապետության օրենքի, Լիցենզիայի, Շուկայի կանոնների, Հայաստանի Հանրապետության օրենսդրության և Հանձնաժողովի ընդունած իրավական ակտերի պահանջներին:
- 6.2 Առանց Հանձնաժողովի հետ համաձայնեցնելու Լիցենզավորված անձն իրավունք չունի Լիցենզիայով սահմանված որևէ իրավունք կամ պարտականություն պայմանագրային կամ այլ հիմունքներով ամբողջովին կամ մասնակի օտարել, զիջել, գրավադրել կամ փոխանցել մեկ այլ անձի:
- 6.3 Լիցենզիայի գործողությունը չի տարածվում Լիցենզավորված անձի հետ համատեղ, այդ թվում՝ համատեղ գործունեության պայմանագրով գործունեություն իրականացնող այլ անձանց, ինչպես նաև Լիցենզավորված անձի մասնակցությամբ հիմնադրված կամ գործող իրավաբանական անձանց վրա:

- 6.4 Լիցենզավորված անձն առանց Հանձնաժողովի թույլտվության չի կարող դառնալ էներգետիկայի բնագավառում լիցենզիա ունեցող մեկ այլ անձի 25 տոկոս և ավելի մաս կազմող բաժնետեր, փայտեր կամ միավորվել լիցենզիա ունեցող մեկ այլ անձի հետ:
- 6.5 Լիցենզավորված անձի կանոնադրական կապիտալում 25 տոկոս և ավելի մասնակցություն ունեցող բաժնետերը կամ փայտերը առանց Հանձնաժողովի թույլտվության իրավունք չունի ձեռք բերել Լիցենզավորված անձի կամ էներգետիկայի բնագավառում մեկ այլ գործունեության լիցենզիա ունեցող անձի 25 տոկոս և ավելի բաժնետոմս, բաժնեմաս կամ ունենալ փայամասնակցություն, ինչպես նաև վաճառել 25 տոկոս և ավելի բաժնետոմսեր:
- 6.6 Լիցենզավորված գործունեության իրականացման համար անհրաժեշտ հիմնական գույքը (շենքեր, շինություններ, կառույցներ, արտադրական հզորություններ, էներգակայանքներ) վաճառելու կամ գույքի նկատմամբ իրավունքը որևէ այլ կերպ փոխանցելու համար Լիցենզավորված անձը դիմում է Հանձնաժողով՝ համաձայնություն ստանալու նպատակով: Սույն կետում նշված որևէ հիմքով Հանձնաժողով դիմելու դեպքում Հանձնաժողովը համապատասխան որոշում է կայացնում 60 օրվա ընթացքում:
- 6.7 Լիցենզավորված անձը պարտավոր է իրականացնել իր տնօրինության տակ գտնվող սարքավորումների շահագործումը, տեխնիկական սպասարկումը և նորոգումը՝ ապահովելով քաղաքացիների, սպասարկող անձնակազմի կյանքի և առողջության անվտանգությունը:
- 6.8 Լիցենզավորված անձը պարտավոր է ապահովել լիցենզավորված գործունեության ընթացքում օգտագործվող սարքավորումների համապատասխանությունը Հայաստանի Հանրապետությունում գործող տեխնիկական կանոնակարգերին և Լիցենզիայում նախատեսված պայմաններին:

6.9 Հայաստանի Հանրապետության օրենսդրությամբ սահմանված անվտանգության և բնապահպանության նորմերի պահանջների կատարման ուղղված միջոցառումները Լիցենզավորված անձն իրականացնում է Հանձնաժողովի հաստատած փուլային ծրագրով և ժամանակացույցով: Հաստատված ծրագրի իրականացման ընթացքում դրանցում ներառված տեխնիկական կանոնակարգերով սահմանված նորմերի պահանջներից շեղումները չեն համարվում այդ նորմերի խախտումներ:

Սույն կետում նշված ծրագրերը Լիցենզավորված անձը Հանձնաժողով է ներկայացնում Լիցենզիան ուժի մեջ մտնելու պահից 12 ամսվա ընթացքում:

6.10 Լիցենզավորված անձը պարտավոր է ապահովել լիցենզավորված գործունեության մեջ ներգրավված շենքերի, շինությունների, կառույցների և էներգակայանքների մատչելիությունը Հանձնաժողովի և օրենքով սահմանված այլ մարմինների ներկայացուցիչների համար:

6.11 Լիցենզավորված անձը պարտավոր է Հանձնաժողովի կողմից հաստատված ծրագրով և ժամկետներում իրականացնել տեխնիկական աուդիտ՝ Հանձնաժողովի հետ համաձայնեցված անկախ փորձագետների ներգրավմամբ: Աուդիտի հետ կապված ծախսերը կատարվում են Լիցենզավորված անձի կողմից և ներառվում սակագնում:

6.12 Լիցենզավորված անձը, ներդրումներ կատարելու մտադրության դեպքում, պարտավոր է Հանձնաժողովի կողմից սահմանված կարգով Հանձնաժողովի համաձայնեցմանը ներկայացնել զարգացման ներդրումային ծրագրերը՝ սակագնում ներդրումների (լրիվ կամ մասնակի) ներառման կամ մերժման վերաբերյալ եզրակացություն ստանալու նպատակով:

6.13 Լիցենզավորված անձը պարտավոր է Հանձնաժողովի հաստատմանը ներկայացնել սեփական կարիքների համար օգտագործվող էներգիայի և սակագնի տարր կազմող այլ մեծությունների հաշվարկման մեթոդիկաները:

6.14 Լիցենզավորված անձը, Հանձնաժողովի կողմից սահմանված կարգին և ձևերին համապատասխան, լիցենզավորված գործունեության մասին տեղեկատվություն և հաշվետվություն է ներկայացնում Հանձնաժողով:

6.15 Լիցենզավորված անձի կողմից Հանձնաժողով ներկայացված տեղեկատվությունները հրապարակային են, եթե դրանք Լիցենզավորված անձի կողմից չեն համարվում գաղտնի և նշված չեն որպես «ընկերությանը վերաբերող գաղտնապահական տեղեկատվություն»: Լիցենզավորված անձն իրավունք ունի ապացուցել, որ իր ներկայացրած տվյալների (ներառյալ՝ «ընկերությանը վերաբերող գաղտնապահական տեղեկատվության») հրապարակումը կարող է վնասել ընկերության մրցակցային գործունեության շահերին, որը գերակա է հրապարակման հասարակական շահից: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Լիցենզավորված անձի խնդրանքը:

6.16 Լիցենզավորված անձը պատասխանատվություն է կրում Հանձնաժողով ներկայացրած լիցենզավորված գործունեության մասին հաշվետվությունների և այլ տեղեկատվության հավաստիության համար:

6.17 Լիցենզավորված գործունեության հաշվապահական հաշվառումը և հաշվետվությունը պետք է համապատասխանեն Հայաստանի Հանրապետության օրենսդրության և Հանձնաժողովի կողմից սահմանված իրավական ակտերի պահանջներին:

6.18 Լիցենզավորված գործունեության հաշվապահական հաշվառումը պետք է առանձնացված լինի Լիցենզավորված անձի կողմից իրականացվող այլ գործունեության հաշվապահական հաշվառումից:

6.19 Յուրաքանչյուր տարի՝ մինչև մայիսի 30-ը, Լիցենզավորված անձը պարտավոր է Հանձնաժողովի կողմից սահմանված ձևերին համապատասխան մամուլում

հրապարակել նախորդ տարվա իր ֆինանսատնտեսական գործունեության հաշվետվությունը:

6.20 Յուրաքանչյուր տարի Լիցենզավորված անձը պարտավոր է իրականացնել իր ֆինանսատնտեսական գործունեության աուդիտ և աուդիտորական եզրակացության պատճենը ներկայացնել Հանձնաժողով: Աուդիտի հետ կապված ծախսերը կատարվում են Լիցենզավորված անձի կողմից և ներառվում սակագնում:

6.21 Լիցենզավորված անձը պարտավոր է Հանձնաժողով ներկայացնել իրավասու մարմինների ստուգման եզրակացությունները (ակտերը):

6.22 Լիցենզիայի գործողության ընթացքում Լիցենզավորված անձը, Հանձնաժողովի կողմից սահմանված կարգին և ձևերին համապատասխան, կարող է հայտ ներկայացնել գործող սակագնի վերանայման վերաբերյալ:

Հանձնաժողովն իր նախաձեռնությամբ և իր կողմից սահմանված կարգով կարող է վերանայել գործող սակագինը: Սահմանված սակագինն ուժի մեջ է մտնում որոշումն ընդունելուց 30 օր հետո: Սակագնի գործողության ժամկետը 6 ամսից պակաս չի կարող լինել, բացառությամբ այն դեպքերի, երբ Լիցենզավորված անձը խախտում է Լիցենզիայի պայմանները:

6.23 Լիցենզավորված անձը լիցենզավորված գործունեության հետ կապված ծախսերն իրականացնում է ըստ սակագնի մեջ ընդգրկված ծախսերի համապատասխան հոդվածների (ուղղությունների): Ծախսերի ուղղությունների փոփոխության անհրաժեշտության դեպքում Լիցենզավորված անձը նախապես համապատասխան հիմնավորումներ է ներկայացնում Հանձնաժողով:

6.24 Հանձնաժողովը սակագնի հաշվարկներում հաշվի է առնում միայն լիցենզավորված գործունեությունն իրականացնելու համար անհրաժեշտ և հիմնավորված ծախսերը:

6.25 Լիցենզավորված անձի և էներգետիկայի բնագավառում գործունեության լիցենզիա ունեցող այլ անձանց միջև կնքված պայմանագրերը պետք է

համապատասխանեն Հանձնաժողովի սահմանած պայմանագրերի օրինակելի ձևերին և (կամ) պարտադիր պայմաններին: Այդ պայմանագրերն ուժի մեջ են մտնում Հանձնաժողովում սահմանված կարգով գրանցվելու պահից:

6.26 Լիցենզավորված անձի կողմից իրականացվող տնտեսական (ձեռնարկատիրական) այլ գործունեությունը չպետք է վտանգի Լիցենզիայի պայմանների պատշաճ կատարումը:

6.27 Լիցենզավորված անձը բանկային հաշիվներ բացելու, տեղափոխելու կամ համանման այլ փոփոխություններ իրականացնելու դեպքում այդ մասին գրավոր տեղեկացնում է Հանձնաժողովին:

6.28 Լիցենզավորված անձը պարտավոր է «Էներգետիկայի մասին» Հայաստանի Հանրապետության օրենքին, Շուկայի կանոններին, Հայաստանի Հանրապետությունում գործող տեխնիկական կանոնակարգերին և ծառայությունների մատուցման պայմանագրին համապատասխան՝ կատարել Համակարգի օպերատորի հրահանգները (կարգադրությունները):

6.29 Լիցենզավորված անձը պարտավոր է Շուկայի կանոններին, Հայաստանի Հանրապետությունում գործող տեխնիկական կանոնակարգերին և ծառայությունների մատուցման պայմանագրին համապատասխան՝ աջակցել Համակարգի օպերատորի կողմից իրականացվող էլեկտրաէներգետիկական համակարգի հուսալիությունն ու անվտանգությունն ապահովող՝ Լիցենզավորված անձի սեփականությունը հանդիսացող պաշտպանիչ սարքերի, կարգավորիչների գնումներին, օրենսդրությամբ և այլ իրավական ակտերով ու պայմանագրերով սահմանված կարգով ապահովել այդ սարքերի շահագործումը, կատարել դրանց նորոգման, փոխարինման և այլ անհրաժեշտ աշխատանքներ:

6.30 Լիցենզավորված անձը պարտավոր է բոլոր գնումները, ներառյալ՝ ծառայությունների և ապրանքների ձեռքբերումը, իրականացնել գնումների իրականացման կարգին համապատասխան, որը Լիցենզիան ուժի մեջ մտնելուց

հետո վեցամսյա ժամկետում Լիցենզավորված անձի ներկայացմամբ հաստատում է Հանձնաժողովը:

6.31 Լիցենզավորված անձի նախաձեռնությամբ իր կողմից արտադրվող և Հայաստանի Հանրապետության ներքին սպառման հաշվեկշռի մեջ հաշվառվող էլեկտրական էներգիայի և հզորության ծավալների նվազեցմանը հանգեցնող միջոցառումների պլանները Լիցենզավորված անձը պետք է համաձայնեցնի Հանձնաժողովի և Համակարգի օպերատորի հետ ոչ պակաս, քան միջոցառումներն սկսելուց 18 ամիս առաջ:

6.32 Լիցենզավորված անձը պարտավոր է Համակարգի օպերատորի հետ համաձայնեցնել իր հիմնական սարքավորումների հաջորդ տարվա նորոգումների ժամանակացույցը՝ համաձայն Շուկայի կանոնների:

6.33 Լիցենզավորված անձի կողմից առաքված էլեկտրաէներգիայի (հզորության) հաշվառումն իրականացվում է շուկային ծառայություններ մատուցող համապատասխան լիցենզավորված անձի կողմից՝ Հանձնաժողովի սահմանած կարգով:

6.34 Մինչև 2005 թվականի հուլիսի 1-ն ընկած ժամանակահատվածում սակագնի հաշվարկում ընդգրկված տարեկան շահագործման և պահպանման ծախսերը կկազմեն 1.819 մլն ԱՄՆ դոլար (առանց ԱԱՀ-ի):

Հետագա տարիներին ծախսերը կորոշվեն ֆինանսատնտեսական հաշվետվություններով ներկայացված փաստացի շահագործման և պահպանման ծախսերի վերլուծության և Հանձնաժողովի հետ համաձայնեցված ծրագրով իրականացված անկախ (միջազգային) աուդիտի հիման վրա:

6.35 2003թվականի մայիսի 16-ից մինչև 2008 թվականի մայիսի 16-ը Հանձնաժողովը հաշվարկային մաշվածության և շահույթի միջոցով կապահովի 25 մլն ԱՄՆ դոլարի ներդրումների վերադարձ, այն պայմանով, որ կիրառվող երկդրույք սակագնի հաշվարկում ներառված հասույթի և արտադրության ծավալի հիման վրա հաշվարկված միադրույք սակագինը պակաս չի լինի, քան 0.02 ԱՄՆ դոլար՝ 1 կՎտժ-ի դիմաց:

6.36 Սակագները հաշվարկվում են Հայաստանի Հանրապետության պետական բյուջեի հիմքում դրված ԱՄՆ դոլարի և Հայաստանի Հանրապետության դրամի տվյալ տարվա հաշվարկային միջին փոխարժեքի հիման վրա: Եթե Հայաստանի Հանրապետության կենտրոնական բանկի պաշտոնական տվյալներով փաստացի միջին փոխարժեքի շեղումը հաշվարկայինից գերազանցում է 3.0%-ը, ապա կկատարվի սակագների վերանայում, բայց ոչ հաճախ, քան 6 ամիսը մեկ անգամ:

6.37 2008 թվականի մայիսի 16-ից հետո, շահույթի հաշվարկման բազա կհանդիսանա Լիցենզիա ստանալու օրվանից մինչև սակագնի հաշվարկման պահը Հանձնաժողովի հետ համաձայնեցված և իրականացված ներդրումների արժեքի և դրանց հաշվին ստեղծված հիմնական միջոցների կուտակված մաշվածության տարբերությունը: Թույլատրելի շահութաբերության նորման կորոշվի որպես ներդրումների համար ներգրավված սեփական (բաժնետիրական) և փոխառու կապիտալի միջին կշռությային արժեք: Սեփական կապիտալի արժեքը կորոշվի ելնելով Հայաստանի Հանրապետության միևնույն ռիսկերի պայմաններում գործող ընկերությունների բաժնետիրական կապիտալի արժեքից, բայց կլինի ոչ պակաս քան 8%:

6.38 2008 թվականի մայիսի 16-ից հետո մաշվածությունը կհաշվարկվի գծային եղանակով՝ ելնելով Լիցենզիա ստանալու օրվանից մինչև սակագնի հաշվարկման պահը Հանձնաժողովի հետ համաձայնեցված և իրականացված ներդրումների հաշվին ստեղծված հիմնական միջոցների արժեքից և դրանց օգտակար ծառայության ժամկետից:

6.39 Սակագնային հաշվարկներում կընդգրկվեն «Սևան-Հրազդանյան կասկադ» փակ բաժնետիրական ընկերության կողմից մինչև Լիցենզիա ստանալու օրը վերցրած և Լիցենզավորված անձին փոխանցված վարկային պարտավորությունների սպասարկման և մարման ծախսերը, նրանց առաջացման տարվանից սկսված:

- 6.40 Լիցենզավորված անձը պարտավոր է Հանձնաժողովին անմիջապես հայտնել այն հանգամանքների մասին, որոնք հանգեցրել են կամ կարող են հանգեցնել Լիցենզիայի պայմանների խախտումների:

7.Լիցենզավորված գործունեության վերահսկում

- 7.1 Լիցենզիայի պայմանների պահպանման վերահսկումն իրականացնում է Հանձնաժողովը:
- 7.2 Լիցենզիայի պայմանների պահպանման վերահսկումն ապահովելու նպատակով Հանձնաժողովի և նրա կողմից լիազորված ներկայացուցիչներն իրավունք ունեն ազատ մուտք գործել Լիցենզավորված անձի տարածք: Վերահսկումն իրականացնելու ընթացքում Լիցենզավորված անձը պետք է համագործակցի Հանձնաժողովի կամ նրա կողմից լիազորված ներկայացուցիչների հետ և աջակցի նրանց:
- 7.3 Հանձնաժողովի լիազորած ներկայացուցիչները Լիցենզավորված անձի տարածքում պահպանում են ընկերության ներքին կանոնակարգը, ինչպես նաև Հայաստանի Հանրապետության օրենսդրությամբ սահմանված նորմերը:
- 7.4 Հանձնաժողովը, տեղյակ պահելով Լիցենզավորված անձին, Հայաստանի Հանրապետության օրենքներին համապատասխան, իր սահմանած կարգով և ժամկետներում, բայց ոչ հաճախ, քան տարին մեկ անգամ, իր կողմից ընտրված անկախ փորձագիտական ընկերության կամ անկախ փորձագետների միջոցով կարող է իրականացնել Լիցենզիայի պայմանների կատարման ուսումնասիրություն և Հանձնաժողով ներկայացված հաշվետվությունների հավաստիության ստուգում: Ուսումնասիրության և ստուգման ծախսերը ներառվում են Լիցենզավորված անձի սակագնում: Լիցենզավորված անձի սակագնով այդ ծախսերի փոխհատուցումը կարող է լրիվ կամ մասնակիորեն չիրականացվել, եթե ուսումնասիրության կամ ստուգման արդյունքում հայտնաբերվել է, որ Լիցենզավորված անձը սխալ տվյալներ է ներկայացրել Հանձնաժողով կամ Հանձնաժողովից տվյալներ է թաքցրել:

8. Տուգանքներ, Լիցենզիայի կասեցում և Լիցենզիայից զրկում

8.1 “Էներգետիկայի մասին” Հայաստանի Հանրապետության օրենքի պահանջները խախտելու, Հանձնաժողովի իրավական ակտերը և Լիցենզիայի պայմանները չկատարելու, ոչ պատշաճ կատարելու կամ խախտելու դեպքերում, ղեկավարվելով “Էներգետիկայի մասին” Հայաստանի Հանրապետության օրենքով, Հանձնաժողովը իրավասու է կիրառել հետևյալ տույժերը.

- ա) նախազգուշացում,
- բ) սակագնի նվազեցում,
- գ) Լիցենզիայի կասեցում,
- դ) Լիցենզիայից զրկում:

Նշված տույժերի կիրառման կարգը սահմանում է Հանձնաժողովը:

8.2 Լիցենզավորված անձին Լիցենզիայից զրկելու դեպքում Հանձնաժողովը և Լիցենզավորված անձը ղեկավարվում են «Էներգետիկայի մասին» Հայաստանի Հանրապետության օրենքով, Հայաստանի Հանրապետության օրենսդրությամբ և այլ իրավական ակտերով:

8.3 Լիցենզիայի գործողությունը կարող է դադարեցվել նաև Լիցենզավորված անձի նախաձեռնությամբ՝ նրա գրավոր դիմումի հիման վրա: Մինչև Լիցենզիայի կասեցման կամ զրկման մասին Հանձնաժողովի կողմից համապատասխան որոշման կայացումը, Լիցենզավորված անձը պարտավոր է շարունակել լիցենզավորված գործունեությունը՝ համաձայն Լիցենզիայի պայմանների:

8.4 Լիցենզավորված անձը չի ենթարկվում պատասխանատվության՝ Լիցենզիայի 8.1 կետով սահմանված կարգով, եթե նրա գործունեության մեջ արձանագրված խախտումները Ֆորս մաժորի հետևանք են:

9. Լիցենզիայի պայմանների փոփոխություն, ժամկետի երկարաձգում, Լիցենզիայի կորստի դեպքում Լիցենզիայի կրկնօրինակի տրամադրում

- 9.1 Լիցենզիայում փոփոխություններ կատարվում են Լիցենզավորված անձի կամ Հանձնաժողովի նախաձեռնությամբ՝ Հանձնաժողովի կողմից սահմանված կարգով:
- 9.2 Հանձնաժողովի նախաձեռնությամբ Լիցենզիայի փոփոխությունները կատարվում են Լիցենզավորված անձի համաձայնությամբ, բացառությամբ այն դեպքերի, երբ նախատեսվող փոփոխություններն անհրաժեշտ են Հայաստանի Հանրապետության օրենքների պատշաճ կատարումն ապահովելու համար և (կամ) շուկայի կառուցվածքի վերակազմակերպումների, շուկայի զարգացման հետ զուգընթաց:
- 9.3 Հանձնաժողովի նախաձեռնությամբ Լիցենզիայում կատարված փոփոխությունների հետևանքով առաջացած Լիցենզավորված անձի հիմնավորված՝ լրացուցիչ ծախսերը և (կամ) իրական վնասները փոխհատուցվում են Լիցենզավորված անձի սակագնով:
- 9.4 Լիցենզավորված անձի վերակազմակերպման կամ նրա անվանման կամ գտնվելու վայրի (հասցեի) փոփոխման դեպքում Լիցենզավորված անձը պարտավոր է այդ փոփոխություններն իրավական ուժ ստանալու օրվանից սկսած՝ 15-օրյա ժամկետում Հանձնաժողովի կողմից սահմանված կարգով հայտ ներկայացնել Լիցենզիայի վերաձևակերպման համար:
- 9.5 Լիցենզավորված անձը 15-օրյա ժամկետում Հանձնաժողովին ծանուցագրով տեղեկացնում է իր հիմնադիր փաստաթղթերում և բանկային հաշվեհամարներում տեղի ունեցած փոփոխությունների մասին:
- 9.6 Լիցենզիայի կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Լիցենզավորված անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով: Լիցենզիայի կրկնօրինակի ստացման և (կամ) ժամկետի երկարաձգման

ընթացակարգերը կարգավորվում են Հանձնաժողովի կողմից ընդունված իրավական ակտով:

10.Այլ պայմաններ

- 10.1 Լիցենզավորված անձը պարտավոր է ապահովել իր գործունեության թափանցիկությունը: Լիցենզավորված անձը պարտավոր է լիցենզավորված գործունեության առնչությամբ էներգետիկայի բնագավառում գործունեության լիցենզիա ունեցող այլ անձանց և (կամ) շահագրգիռ կողմերի հարցման դեպքում նրանց տրամադրել անհրաժեշտ տեղեկատվություն, բացառությամբ այն դեպքերի, երբ այդ տեղեկատվությունը համարվում է գաղտնի:

11. Ծանուցում

- 11.1 Լիցենզիայի վերաբերյալ պաշտոնական բոլոր ծանուցումները, հայտերը, պահանջները կամ այլ տեղեկությունները պետք է լինեն գրավոր և ուղարկվեն սուրհանդակի միջոցով կամ պատվիրված նամակով՝ պահանջելով ստացական: Ծանկացած ծանուցում կամ հաղորդագրություն ուժի մեջ է համարվում ստացման պահից:

Լիցենզավորված անձի փոստային կարգաթիվը 378564

Հասցեն Հայաստանի Հանրապետություն, Կոտայքի մարզ, գյուղ Արգել

Անվանումը «Միջազգային էներգետիկ կորպորացիա»
փակ բաժնետիրական ընկերություն

Տնօրենի (նախագահի)
անունը, ազգանունը Մ.Մանտրով

Ի վկայություն սույնի, Հայաստանի Հանրապետության բնական մենաշնորհների կարգավորման հանձնաժողովը Լիցենզիան տրամադրել է

«Միջազգային էներգետիկ կորպորացիա» փակ բաժնետիրական

ընկերություն

(ընկերության անվանումը)

Հայաստանի Հանրապետություն, Կոտայքի մարզ, գյուղ Արգել

(գտնվելու վայրը)

Գրանցման ամսաթիվը

«01» սեպտեմբեր 2003 թ.

Գրանցման համարը

№ 0108

Հանձնաժողովի պատասխանատու անձ՝

Հավելված 1

Հայաստանի Հանրապետության
բնական մենաշնորհների կարգավորման
հանձնաժողովի
2003թվականի սեպտեմբերի 1-ի N 50Ա որոշմամբ
հաստատված լիցենզիայի պայմանների

ԷԼԵԿՏՐԱԿԱՆ ԷՆԵՐԳԻԱՅԻ (ՀՋՈՐՈՒԹՅԱՆ) ԱՐՏԱԴՐՈՒԹՅԱՆ

ԼԻՑԵՆԶԻԱ

Լիցենզիա N 0108

տրված է «Միջազգային էներգետիկ կորպորացիա» փակ բաժնետիրական
ընկերությանը

(լիցենզավորված ընկերության անվանումը)

«Սևան ՀԷԿ»-ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
<u>Տուրբին N 1</u>	Շառ. առանցքային «Nohab» (Շվեդիա)	17500	1949
<u>Գեներատոր N 1</u>	GS 2615 «ASEA» (Շվեդիա)	16960	1949
<u>Տուրբին N 2</u>	Շառ. առանցքային «Nohab» (Շվեդիա)	17500	1949
<u>Գեներատոր N 2</u>	GS 2615 «ASEA» (Շվեդիա)	16960	1949
<u>Տուրբին (ս.կ)</u>	Շառ. առանցքային «Nohab» (Շվեդիա)	320	1950
<u>Գեներատոր (ս.կ)</u>	CA - 106 «ASEA» (Շվեդիա)	320	1950

«Հրազդան ՀԷԿ» -ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
<u>Տուրբին N 1</u>	Շառ. առանցքային «VOITH» (Ավստրիա)	41580	1959
<u>Գեներատոր N 1</u>	SPFH – 706/50-24 «Simens - Shukkert»	40800	1959
<u>Տուրբին N 2</u>	Շառ. առանցքային «VOITH» (Ավստրիա)	41580	1959
<u>Գեներատոր N 2</u>	SPFH – 706/50-24 «Simens - Shukkert»	40800	1959

«Արգել ՀԷԿ» -ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
<u>Տուրբին N 1</u>	Շառ. առանցքային (ԼՄԳ)	55200	1953
<u>Գեներատոր N 1</u>	CB 465/210 - 16	56000	1953
<u>Տուրբին N 2</u>	Շառ. առանցքային (ԼՄԳ)	55200	1953
<u>Գեներատոր N 2</u>	CB 465/210 - 16	56000	1953
<u>Տուրբին N 3</u>	Շառ. առանցքային «KMW» (Շվեդիա)	55200	1953
<u>Գեներատոր N 3</u>	GS-2621 ASEA (Շվեդիա)	56000	1953
<u>Տուրբին N 4</u>	Շառ. առանցքային «KMW» (Շվեդիա)	55200	1953
<u>Գեներատոր N 4</u>	GS-2621 ASEA (Շվեդիա)	56000	1953

«Արզնի ՀԷԿ»-ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
<u>Տուրբին N 1</u>	Շառ. առանցքային «VOITH» (Ավստրիա)	24411	1956
<u>Գեներատոր N 1</u>	SPFH – 666/46-20 «Simens - Shukkert»	23520	1956
<u>Տուրբին N 2</u>	Շառ. առանցքային «VOITH» (Ավստրիա)	24411	1956
<u>Գեներատոր N 2</u>	SPFH – 666/46-20 «Simens - Shukkert»	23520	1956

<u>Տուրբին N 3</u>	Շառ. առանցքային «VOITH» (Ավստրիա)	24411	1956
<u>Գեներատոր N 3</u>	SPFH – 666/46-20 «Simens - Shukkert»	23520	1956

«Քանաքեռ ՀԷԿ»-ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողա- կանությունը	Շահագործման հանձնելու տարեթիվը
<u>Տուրբին N 1</u>	Շառ. առանցքային Завод N3 им. Калинина	24411	1956
<u>Գեներատոր N 1</u>	BB 654 – 500 Эл. Сила	23520	1956
<u>Տուրբին N 2</u>	Շառ. առանցքային Завод N3 им. Калинина	24411	1956
<u>Գեներատոր N 2</u>	BB 654 – 500 Эл. Сила	23520	1956
<u>Տուրբին N 3</u>	Շառ. առանցքային Завод N3 им. Калинина	24411	1956
<u>Գեներատոր N 3</u>	BB 654 – 500 Эл. Сила	23520	1956
<u>Տուրբին N 4</u>	Շառ. առանցքային Завод N3 им. Калинина	24411	1956
<u>Գեներատոր N 4</u>	BB 654 – 500 Эл. Сила	23520	1956
<u>Տուրբին N 5</u>	Շառ. առանցքային		

	(ЛМЗ)	25000	1940
Գեներատոր N 5	SAV 347/110/16	25000	2003
Տուրբին N 6	Շառ. առանցքային (ЛМЗ)	25000	1944
Գեներատոր N 6	SAV 347/110/16	25000	2003

«Երևանի ՀԷԿ-1»-ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
Տուրբին N 1	Շառ. առանցքային ХТГЗ	22500	1962
Գեներատոր N 1	ВГС-440-120-20 Урал. Элаппарат	22000	1962
Տուրբին N 2	Շառ. առանցքային ХТГЗ	22500	1962
Գեներատոր N 2	ВГС-440-120-20 Урал. Элаппарат	22000	1962

«Երևանի ՀԷԿ-3»-ի էներգակայանքների ցուցակը

Հիմնական սարքավորման անվանումը և կայանային համարը	Սարքավորման մակնիշը	Սարքավորման նոմինալ հզորությունը կամ արտադրողականությունը	Շահագործման հանձնելու տարեթիվը
Տուրբին N 1	Շառ. առանցքային Урал. չվՊՐՏՎՈՔ	5020	1955
Գեներատոր N 1	ВГС-325-49-20 Урал. Элаппарат	5000	1955